

آبونه شرالحي : هر بر ايچون
سنه لکي (۴۰۰) التي ايلني
(۲۲۵) ، ممالك اجنييه ايچون
سنه لکي (۴۵۰) ، آلي ايلني
(۲۵۰) غروشدر .

نسخه سي ۷,۵ غروشدر .
سنه لکي ۵۲ عدددر .

اداره خانه : باب عالي جاده سنده
رشيد افندي خائنده

اخطارات
آبونه بدلي پشيندر .

مسلكه موافق آثار مع المنونيه
قبول اولنور . درج ايدلني
يازيلر احاده اولنور .



آدره س تبديلنده ايريجيه
• غروش كوندرمليدر .

مكتوبلرك امضاري واضح
واوقوناقلي اولسي وآبونه
صره نومروسي محتوي
بولونسي لازمدر

ممالك اجنييه ايچون آبونه
اولنلرك آدرسرينك
فرانسجه يازلسي رجا اولنور .

پاره كوندرلديكي زمان نهيه
داثر اولديني بيلديرلسي
رجا اولنور

اتبعون اهدكم سيل الرشاد

صاحب و مدر
اشرف اديب

باش محرر
محمد ماکف

والله يهدي من يشاء الى صراط مستقيم

جلد ۲۵

۱۵ كانون ثاني ۱۳۴۱

نچشنبه

۱۹ جمادی الاخر ۱۳۴۳

عدد ۶۳۴

هيات و عبوديت

يَا أَيُّهَا النَّاسُ اعْبُدُوا رَبَّكُمُ الَّذِي خَلَقَكُمْ وَالَّذِينَ
مِنْ قَبْلِكُمْ لَعَلَّكُمْ تَتَّقُونَ

شوعالده انسانلق الم وجفادن ، ابتلا واضطرابدن باشقه بر شي
كورمه ايدى لذت ، سعادت ، خير مفهوملريني بيله مز ، انسانلر
ايچنده هيچ بر نيكيين بولنه مازدى . عني زمانده انسانلر ذوق وصفادن ،
موفقيت و مظفريتدن باشقه بر شي كورمه سهرلدى الم ، بدبختلق ،
شر مفهوملري تكيون ايتمز و هيچ بر بديين كوروله مزدى .

ديمك كه حيات بشرده بشارت لذارديني اوبانديران طائلي طائلي
جاذبلر بولونديني كي انذار الملريني قاينانان سوزشلي نائره لرده واره
بوجاذبلرله ، بونائره لك ساحه حكملري بوعالده بربرلرندن بسبتون
آري و مستقلده دكل . الم ولدت ، بتون ذى حياتده مشتركاً اجراي
تأثير ايدبورلر . ديكرلرندن فضله اوله رق انسانلردن يالكز حادثاتك
كنديلري دكل ، تصورلري ده مؤثر اويور ، تصور الم برالم ، تصور لذت ده
بر لذت اوليور . بوضورتله انسانلر اذواق ايچنده متالم ، آلام ايچنده
متلذد بيله اوله بيليورلر . اكر خير و شر ، لذت و الم بويله مشترك بر
زمين اوزرنده اجراي فعاليت ايتيوب ده هر برينك ساحه حكمي مستقل
اولسه ايدى و برندن ديكرينه كچمك امكاني بولنسه ايدى طوعه ريسي
خير و شر قانونلريني و مبدألريني تحري ايدرك اوكا كوره وظيفه لر مزي
نعين واجرا ايتك لزومه قانع اولمازديق . . اوزمان بلكه وجودده ايكي

معبود بولنديينه و هر برينك قوللري كندى مملكت عبوديتنده ديكريله
اختلاط و اشتراك كن كلساً آزاده اوله رق دوام ايديه بيلديكنه احتمال
ويرردك . اوزمان معبود خيرك قوللري عالم لذارنده ياشايان مسعودلر ،
معبود شرك قوللري ده عالم آلامده ياشايان بدبختلر اولور و بونلرك
بربرلرندن خبردار اولميرينه ده امكان بولنه مازدى . . اوزمان مسعودلر
على الاطلاق نيكيين ، بدبختلرده على الاطلاق بديين اولورلر ، آرارنده
معسارفه و منازعه ده جريان ايتزدى . . اوزمان هر برى بالجبوريه
يالكز بر معبود طائيه رق ينه موحد اولمقدن چيقا مازدى . تعدد اله
باشقه ، شرك باشقه اولوردى . چونكه خير معبودينك قوللري دكل ، كنديسي
بيله شر معبودندن خبردار اولمازدى . چونكه اوندن خبردار اولمق
بيله بر مناسبت اولاجقندن استقلال مطلقلرينه مناقض اولوردى . . .
فقط وجود و حيات بويله كورونميور . بز بوعالده آغلايانلرك
كولديكلريني كورديكمز كي كولنلرك آغلا دقلريني ده كورديورز .
انسان حياتنده بونلردن برينك ايچنده بولونور كن ديكرينه كچه بيلمك
مظهر يته ده ممالك بولنيور .

اوت آغلامق و كولم ورق حياتك برر عحيقه لريدر . حيات
بر طرفده ظلمت ليل كي قارا كلق بر زمين اوزرنده خزن جكرله
يازلمش ، كوز ياشلريله حر كه لشمش سسطور آلامدن مركب بر عحيقه
آه و واهي ، ديكر طرفنده وجه نهار كي تابدار بر سيما اوزرنده
نشوة روح ايله محرر ، يد قدرته مذهب بر عحيقه غراي حامل ، آغلاره
كولر ، يانار دوز ، مهتر بر ياپراقدر .

عجبا بويپراق هانكي كتابه عائد ارلديني بللي اولميان و صرصر زمان
ايچنده دونوب يانار كن كونك برنده دررولوب بو كوله لك هر هانكي

بر سوپروتنیه قاریشوب کیده جک اولان قوپوق و سرسری قوری بر یارقیدر ؟ یوقسه آلی کره زمین ، اوسق قبه سما اولان شو کتبخانه جهان ایچنده ملت دینان مجلد بر کتابه شیرازه سیله مربوط ، صره نومروسیله مضبوط ، یری یوردی ، اول و آخری بللی اوقونق واستساخت ایلیلک ایچون اسرار صنعتله آجیایر ، قاپانیر بر ورقه کرانهامیدر ؟ صحیفه نك بری اولکی ، اوبری ده ایکنجی احتمالی تأیید ایدر کی کورونور . فی الحقیقه ایکیسنه مثال و یرن انسانلر موجوددر . اولکی احتمال کوره بدینک مقرر اولدیغنده شبه یوقدر . ایکنجی احتمال ایسه کتابک قیمت حقیقه سنه کوره تحول ایده بیله جکدر . بوکا شیمیدین قطعیتله بر جواب و یرمک آرزو ایدیلیرسه دیرز که بوایکی احتمالن برینک تعینی فردک کنیدی الندهدر . اومهتوروقه ایسترس ، قوپوق بر سیری اوله رق سوپروتنیلره قاریشیر ، ایسترسه بر کتاب ملتک شیرازه سنه باغلامه رق انضباط آله کیر .

علی العموم انسانلر عصرلردن بری آز چوق بونی درک ایتش و کندیلرینی برر ملتک شیرازه اجتماعیسنه کوکلدن باغلامه شار ویا دیلدن باغلار کی کورونمشلردر .

ایشنه بواغلانش عبودیت ده نیلن قانون وظیفه نك تجلیسیدر . وهرملتک شیرازه سنده کی قیمت اختیار ایتدیکی معبودک ساحه حکمی ومرتبه قدرتیله متناسبدر . چونکه عبودیت ووظیفه دن غایه ، شر و المدن خلاص و خیر لذته وصالدر . تعبیر آخرله عاقبت حیاتک خیر محضه رجوعی تأمیندر . بنسأ علیه اختیار اولنان معبودک خیرلر وشرلر اوزرنده کی حاکمی نه قدر واسع و نه قدر قوی اولورسه عبودیت ارنسبتده نمره دار اوله بیله جکدر .

بونک ایچوندر که بشریت حیاتده الم ولدت حادثه لرینک قانونلرینی ، مبدألرینی و قیمتلرینی منهادیا آرایه کلشلردر . بومیانده نیجه لذتلر کورمشلردر که شدتلرینه رغماً نتیجه ده کولدرمه مش ، دوامی المله سببیت و یرمک اوزون مدت آغلانمش طورمشدر . عینی زمانده نیجه المله کورمشلردر که بیوک بیوک لذتک مقدمه ظهوری اولمشلردر . فی الحقیقه لذتعالیه آلام موقته ایله محاط اولدینی کی بتون آلام دائمه ده لذت موقته ایله محاطدر . حیاتک صحیفه آلامی حاشیه لذت ایله ، صحیفه لذتک حاشیه آلام ایله دوناتلشدر . چونکه وجدان بشرده واسطه لذت اولان آلام ، صحیفه لذتده ، واسطه آلام اولان لذت ، صحیفه آلام قید ایدیلر کلشدر . بوکا بنسأ میزان وظیفه علی الاطلاق الم ولدت دکل ، خیر وشر اولمشدر . وبنسأ علیه خیر لذت دکل ، سبب لذت ؛ شرده الم دکل ، سبب الم دییه تفسیر ایدلشدر . بو عامدن و تجربهدن ظافل اولانلر ، هر لذتی خیر ظن ایدر قوششارلر وهر المی شر ظن ایدوب اجتناب ایدرلر . بر هیأت اجتماعیده وظیفه قانونلرینی منهادیا اخلال ایدوب طورانلر بونلر اولورلر .

بویله هر لذتی خیر ، هر المی شر عد ایدرک خیر وشری بالذات وجدان فردیلرینک آنی تأثیرلریله اولچنلرک نظرلرنده اولداند و آلامدن باشقه معبود یوقدر . اونلر ، حیاتلرینک هر لحظه سنده بر معبود دیکشدرلر . بونلرک حیاتی حقیقه تنده تماماً اوقوپوق ، سرسی یا پرانی تمثیل ایدر ، بونلر بت پرستلر قدر بیله قابلیت اجتماعی بی حائز دکدرلر . بت پرستلر ، هیچ اولمازسه آلام ولذتک انوعی تعقیب ایدرک اونلری ممثل اولان بتلری ، هیکلاری معبود اتخاذا ایتشلر و بوضورتله براز تشتت ایچنده اولمقه برابر اونلرک اطرافنده بر مدت آفاق بر اجتماعیت عقد ایده بیلمشلردر .

عبودیتک ، قانون وظیفه نك مناطی خیر وشر مفهوملری اولدینی براز سزن ملتک بعضیسی خیر وشری وجودک مبدأ اولی کی تلقی ایتشلر و بوضورتله بر سه پاراسیون یا یمنق ایچون اساسی بر تفریق قوی نظریه سنه صاپالانشلر ؛ بری منبع خیر ویا نور ، دیکری منبع شر ویا ظلمت اولق اوزره متقابل ایکی معبوده عرض عبودیت ایله مشلردر . ایشته مانویه ویا ثنویه دینان شرکک ادنی درجه بی اولان ایکیملک بویله ظهور ایتشدر . بو تفریق ایملک نظرده بر شرک اولمقدن زیاده بر تعدد محض کی کورونور . چونکه بالاده عرض ایدلیدیکی وجهله خیر وشردن هر بری معبود طایفه حق برر مبدأ اول اولق ایچون بر برلردن ازهرجهت مستقل بولنق اقتضا ایدر و او حالده آرالرنده هیچ بر وجه اشتراک بوله مامق لازم کلیر . لکن غریبی اودر که بتون خیرلری ، نورلری بر مبدأ اوله ، بتون شرلری ، ظلمتلری ده دیکر بر مبدأ اوله ربط ایدن بو تفریق قوی طرفدارلری ، بودو آلینه اربابی بوایکی مبدأ اول آراسنده بر مناسبت تصور ایتک کی بر تناقضه دوشمشلردر : بر طرفدن بونلر آراسنده دائمی بر جدال کوزتمشلر ، دیکر طرفدن مشترک اثرلرک وجودینه ذاهب اولمشلر و بو مشترک اثرلردن بریسنی ده کندیلری عدایلشدر . و بونک ایچوندر که ایکیسنی ده معبود طایمشلر ، ایکیسنه عرض عبودیت و عبادت ایله مشلردر . چونکه وظیفه دن غایه شردن خلاص و خیره وصلت اولدینی ایچون کندیلرینی و عالمی بونلرک بر اثر مشترکی تلقی ایتکسزین بو غایه و وصول ممکن اوله میهنی کی آرالرنده بر جدال ، بر غایت و مغلوبیت تصور ایتمه دن ده او اخلاص ممکن اوله میهنی جقدی . حالبوکه جدال تصوری بیله بر مناسبت تصوریدر . چونکه بیلرلرنده بر حد مشترک ، بر جهت اتصال بولنمیان ایکی موجود آره سنده جدال و منازعه ناقابل تصوردر .

بر برلرینه هیچ بر نقطه ده همحدود بولنمیان ایکی دولتک محاربه سی فصل تصور ایدیلیر ؟ سماده ایکی نابت ویا محرکارنده هیچ بر نقطه تلاق بولونمیان ایکی سیاره آره سنده مصادمه وقوعنه امکان وارمیدر ؟ صوکره بر انسان فصل اولورده مستقل ایکی معبودک قوی اوله بیلیر ؟ خیر

فلسفہ عبادت

۲

مع الاسف ہو کونسی مسلمانوں کے عبادتوں کی پابانگی کی بر طاقم الفاظ و حرکات تکرار دین عبارت در . وظیفہ عبادتی ایسا ایدیورکن ہو وظیفہ نک ایسا سندنہ کی حکمتی تقدیر ایتہ یورز . حال بوکہ فریضہ صلاتی ایفایہ قیام ایدنلر ہر شیدن اول او قودقاری فاتحہ شریفہ نک معناسنی ادراک ایتہ لی ، بو آیات جلیلہ فی رسماً تلاوت ایلہ اکتفا ایتہ ملیدرلر . مسلمانلر بو معانی جلیلہ فی ترتیل ایتدکارینی بیلمہ لیدرلر : « یاربی ، بوتون کائناتک التہییک . حیاتی تقویم ، تکاملی تأمین ایدہ جک ہر شئی یارادینکگہ قانعز . احتیاجاتی تظمین ایتک ایچون بوتون وسائط لازمیہ ایجاد ایتش بولونیورسک . چونکہ رحمانسک . بزم ہر سنی وجہد منزی قات قات مکافاتہ نائل ایدیورسک . چونکہ رحیمسک . حسنات و سیئاتدن بزی مسئول ایدہ جکسک . چونکہ « مالک یوم الدین » سک . الہی ! یاربی المدن کادیکی قدر چالیشدم . بوتون وسعملہ ابدال غیرت ایتدم . فقط ہنوز غایہ فی تحقیق ایتدیرمہ دم . سندن نیازم بنی طوغرو بولہ ارشاد ایتک در . تاکہ اویولہ ایلریلہ یہرک ہدفہ مواصلت ایدہم . »

بو روح ایلہ ایفای عبادت ایدرسہ کز نہ احراز ایدہ جک کزنی دوشونیکز . عبادتک کزک بارکام کبریادہ مطلقاً قبول ایدیلہ جک سندن امین اولیکز . قرآن کریم دعا و عبادتک قبولی حقندہ دیگر برایت کریمہ دہ دیرکہ : « بکا دعا ایدنلرک دعاسنی قبول ایدرم ، بکا نیاز ایتسینلر . (مؤمن) لکک اوصافی احراز ایتسینلرکہ دوغرو بولہ ارشاد اولونایاسینلر . »

بو وعدہ الہیدہ بالخاصہ ایکی نقطہ نظر دقتی جلب ایتہ لیدر . برنجیسی : « مؤمن اولقی » کہ « عمل » ی اقتضا ایدر . ایکنجیسی ، ہدایتی نیاز ایتکدر . چونکہ ایشمزی کندمن پاپہ جغز .

خلاصہ ، عبادت اسلامیک ہدفی فعال بر آدمی مشکل بر وضعیتہ ارشاد ایدہ جک اولان نصرت الہیہ فی تضرعدر . انسان ساحۂ فعالیتدہ آدم آثار آتماز جنساب حق بوتون وسائط موفقیتی احسان ایدر . استخرامہ چالیشہ جغمز وسائطہ نتایجی باعلامتہ حکمت الہیہ بزم خیر منزی استہداف ایتکدر . مختلف ملکاتہمز آنحق بو صورتلہ انکشاف ایتدیریلہ بیلیر . کوزیکزک اوکنہ صرفہ بر عالمہ نک چوجغنی کتیریکز . بوتون وسائط رفاه بو چوجوغنی تشدیدمکہ حصر اولونیور . بویلہ اولمقلہ برابر عجیباً ابون ہیچ بر وقت چوجوغک کندی آقاری اوزرنده یورومہ مسنی ایستہ بیلیرلمی ؟ اصلاً بالعکس ، چوجوغک بر آن اول یورومہ مسنی ایستلر ، چونکہ آنحق بو صورتلہ

معبودینک قولاری ہب ملک ، شر معبودینک قولاری دہ ہب شیطان اولقی اقتضا ایتزمی ؟ فصل اولورده یاری ملک ، یاری شیطان اولان مخلوقلر بولور و انسان دنیان بو مخلوقلر ہر ایکی معبودہ عبادتہ کورہ خیر و شردن حصہ یاب اولور ؟

شواہچندہ بولندینمزالہ وبالخاصہ عالم بشرہ نظراً تماماً مستقل ایکی معبود تصوری بو صورتلہ غیر ممکن اولدیندن دولای تعددالہ عقیدہ لرینک ہبسی معبودلرک بیندہ بر جہت اشتراک دخی قبول ایتک مجبوریتندہ بولنش و کندیلرینی بولنلرک بر اثر مشترکاری طانیہ رق ہبسنہ پرستش ایتکہ لزوم کورمشلردر . بویلہ اولماسہ ایدی خیر ایلہ شر آراسندنہ برندن دیکرینہ کچمک ایچون بر طریق مناقلہ بولہ مہ جقلردی .

فقط اک صوک امللر ، امیدلر و یا مخافتلر ، خشیتلر کندیلرینہ توجیہ اولنقی ایچون معبود اتخاذ ایدیان و بویلہ معبود اتخاذ اولنہ بیلمک ایچون برر مبدأ اول عدالتمق ضروری بولنان الہلر بیندہ ہر ہانکی بر مناسبت ، بر جہت شرکت تصور ایتک عینی زماندہ بولنلرک ایکسینہ بردن شامل بر مبدأ حاکمہ تابعیتلرینی تصدیق دیمکدر . بوایسہ او ایکی معبودک برر مبدأ اول دکل ، برر مبدأ تالی اولدینقی اعتراف ایلہ مکدر .

ایشته بونقطہ دہ ایکیلک عقیدہ سی بیقیمش و فقط بولنلرک فوقندہ بر رئیس ، بر الہ اکبر طانیق و بولنلرک اونک معیتہ قویق صورتیلہ اقامتکلی بر تثلیث عقیدہ سی ظہور ایتشد . اقامتکلی تثلیثک مساواتی صورتندہ کی تثلیث دخی تشبیہ کی عین تناقض و شقاق ایسہ دہ بو الہ اکبر ریاستندہ کی تسلیمشدہ آزچوق بر حقیقت سہ زلیش و بر مبدأ وحدتک وجودی ضرورتی حس اولنشد . فقط بو الہ اکبری ، بو مبدأ وحدتی تصدیق ایتدکن صوکرہ دیکرلرینک حالا مقام معبودیتندہ ازلاً و ابداً ادامہ لری دہ دیگر بر تناقض اولشد . چونکہ معبود دیمک امللرک ، اندیشہ لرک صوک مرجع تحقیق ، تعبیر آخرلہ وجودک مبدأ اولی اولان موجوددر . بتون وجودک یکانہ بر مبدأ اولی و بناء علیہ بتون آمال و مطالبک صوک مرجع حاکمی اولان بر الہ اکبرک موجودیتی بالضرورہ ادراک ایدلکدن صوکرہ دخی مبادی تالیہ فی حالا مقام معبودیتندہ طانیق ، ہم او الہ اکبرک حقنی و بر مہمک ہم حقوق بشرہ تجاوز ایتک کی اعظام شر اولان ایکی ظلمدر .

ایشته دین اسلام بو ظالم و متناقض مشرک لک ظالم و افترا لرندن بشرتی تخلص ایچون « لا الہ الا الہ » دستور توحیدیلہ کلش و مقام الوہیتک یالکیز « الہ اکبر » مخصوص اولدینقی و خیر و شر بتون تجلیات وجوددہ مبدأ اول اولہ رق حق تعالی نک حاکم بولندینقی تبلیغ و اثبات ایتک اوزرہ « یا ایہ الناس اعبدوا ربکم لذل خلقکم والذین من قبلکم لعلکم تتقون » خطاب کبریاییلہ انسانلری عبودیت و عبادتک ہدف حقیقیسنہ توجیہ ایتشد . ان شاء بوموضوعہ بردہا رجوع ایدرز .